



Conradus ex illustri familia baronũ de Vvein
 sperg natus fuit. Is ab incunte ætate uirtutib.
 operã dedit, atq; ob uitæ integritatẽ in maxima au
 toritate fuit. Hunc Sigismũdus Cæsar & principes
 Imperij plurimũm amarũt, atq; ob rerum peritiã
 res maximas ei cõmendarunt. Itaq; factum cum Si
 gismundus mortuus esset, atq; Eugenius pontifex
 Concilio Basiliensi repugnaret, ut ab Alberti Cæ
 saris oratoribus Patauiensi & Augustano Episco
 pis hic Conradus protector Concilij ex mandato
 Cæsaris & S. Patrum ordinaretur. Eam functionẽ
 ipse magna laude administrauit, atq; postea Foeli
 cẽ electum nouum pontificẽ, unã cum marchione

de Rœtelen honoris causa per urbẽ duxerunt, ex utraq; parte eũ comitãtes,
 & equi frenũ in manu tenentes. Itaq; hunc Conradum omnes suspiciebãt, at
 que in magna existimatione uenerabantur. Acta Concil. Basil.